

o Consejo, *ut in parte*; la qual parte *etiam* vol che sia presa in Gran Consejo, et fu presa.

Item, voleano meter che li Consieri a Gran Consejo che conta le balote non balataseno, et a questo fo dito bisognava prima la prendesse in Quarantia.

Fu posto, per i Consieri, certa permutation di do campi di terra a la Mota, beni di chiesa: ave 121 4 di no.

304* *Scurtinio di provedador zeneral in campo con pena.*

Sier Sebastian Moro, fo podestà e capitano a Treviso, qu. sier Damian	76.106
Sier Zustignan Morexini savio a terra ferma, qu. sier Marco	55.144
Sier Bortolamio da Mosto savio a terra ferma, qu. sier Giacomo	44.157
Sier Polo Capelo el cavalier, fo provedador zeneral in campo, qu. sier Vetur	68.125
† Sier Zorzi Emo, fo provedador zeneral in campo, qu. sier Zuan cavalier	117. 87
Sier Piero Marzelo, fo provedador zeneral in campo, qu. sier Jacomo Antonio cavalier	85.100
Sier Alvise Barbaro, fo podestà e capitano in Cao d'Istria, qu. sier Zacharia cavalier provedador	39.160
Sier Francesco Falier, fo Cao dil Consejo di X, qu. sier Piero	45.151
Sier Piero Trun savio a terra ferma, qu. sier Alvise	42.156
Sier Christofal Moro, fo provedador zeneral in campo, qu. sier Lorenzo	109. 96

In questo zorno, a San Marco, fo fato gran maleficio. Apicato uno chiamato Albani, qual volse robar la chiesa di San Marco e robò, come fu preso in Quarantia, et a uno suo compagno taià una man e cavà l'altro ochio; e do de Friul per deliberation dil Consejo di X, per esser stà quando fo amazà domino Alvise di la Tore, li fo taià la testa, e poi squartati, et l'apicado stete tutta la note su la forca et fin el di sequente da sera.

Et venuto zoso Pregadi a hore 23 $\frac{1}{2}$, vene altre *lettere di campo, dil provedador zeneral, da la Badia, ozi hore 14*. Come i nimici erano certissi-

mo il di avanti passati l'Adexe et alozati a San Piero di Cerea e li intorno, et che nostri sono in alozamento molto securo, et è stato di sorta che impaurisce l'inimico. Et par che essi inimici fazino spianar li bastioni di Lignago per dubito non vadino nostri alozarsi de li; et spiera, zonto sia la Christianissima Maestà a li piani de Italia, si vederano essi inimici in tanta fuga che non saperano che partito habbi a tuor. Scrive esser zonto li, nel nostro campo, Maxin dal Forno comesso dil signor ducha di Ferara per dar risposta a le lettere dil Re Christianissimo, che li fo mandate. Et cussi in questa matina, a bonora, re-duti el signor Theodoro Triulzi, el signor capitano e lui provedador vene el dito Maxin. Espose, per nome dil suo signor, molte parole di la bona mente de quello verso la Christianissima Maestà et Signoria nostra, con parole zeneral, che longo saria el scri-ver. El signor Theodoro saviamente li disse che l'avia inteso quanto el riportava in risposta, dicendo 305 hora mai non è più tempo di parole zeneral, ma si facesse intender amico o inimico dil Christianissimo re e di venetiani. Da poi, el signor capitano, con parole onnipotente, li disse lui non aver de bisogno de vituarie, nè de' passi, come el se oferiva dar, per esser apto a tuorseli per ogni banda con el florido exercito l'ha; dicendoli che sempre è stato amico dil suo signor, ma che hora el va el suo honor, qual più che la vita l'aprexia; afirmandoli se soa eccellentia non si scoverzaria con le sue forze et arme amico di Franza e questa Signoria nostra, lo faria de bone lettere intender a la Christianissima Maestà, perchè lui non vol aver due falze una per banda nemiche, *videlicet* lui e il marchexe di Mantoa, dicendoli zerca questo assa' optime parole, e ben a proposito, che non sa quanto se avesse potuto più largo, nè saviamente dir. E fra le altre parole, li ha ditto questi mexi non creder che la Illustrissima Signoria abbi manchato partito de Papa et altri, et tutti a danno dil stado del tuo signor, perchè l'è stato ch' è molto desiderato, con el qual se puol adatar molti partiti, ma mai questi signori hanno voluto asentir ruina alcuna de quel signor, come quella che l'ha fato e tieno e mantien; e questo è stà ch'el Papa non se dechiara con Franza, perchè con Ferara se adateria Parma e Piasenza; pertanto fazase bon franzese et bon venezian, e non staga per suso pratiche che non è tempo, e ch'el cavi del campo spagnol el suo ambador, e faza a mio seno che lo amo da fratello, e non habbi paura del Pontificè che possi dir averlo relevato, et à manco cuor che uno conio. Come vederà Franza di qua da' monti, che sarà di brieve, se buterà a pan-